

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-116 /11
Vareš, 31.05. 2011. godine

Z A P I S N I K
s 28. sjednice Općinskog vijeća Vareš,
održane 28.04. 2011. godine

Milan Knežević – zamjenik predsjedavajućeg Općinskog vijeća Vareš, otvorio je 28. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač Odenwald, Ešref Likić, Ivan Lučić, Josip Malbašić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutan: Željko Matić.

Pored vijećnika sjednici prisustvuju: Općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, direktor JKP d.o.o. Vareš Zafer Kamenjaš, komunalno–građevinski inspektor Snježana Kokor i predsjednik MZ Vareš Enver Fetišević.

Sekretar Općinskog vijeća izvijestio je Vijeće o realizaciji Zaključaka s 27. sjednice OV održane 31.03.2011. godine i dostavljenim odgovorima na vijećnička pitanja. Općinsko vijeće na 27. sjednici donijelo je 10 Zaključaka. Od tog broja 9 Zaključaka je realizovano i 1 Zaključak je u toku realizacije. Na 27. sjednici OV postavljeno je 11 vijećničkih pitanja, na sva postavljena vijećnička pitanja nadležne Službe su u pisanoj formi dostavile odgovore podnosiocima pitanja.

Općinski načelnik Hamdo Fatić u okviru aktuelne problematike na području općine Vareš upoznao je Vijeće da je potpisan Ugovor sa ODRAZ-om za rekonstrukciju ulica u Varešu i Vareš Majdanu. Vrijednost projekta je 240.000 KM, učešće Općine Vareš je 99.000 KM. Tražena je pozajmica od Vlade ZE-DO kantona, jer Općina Vareš nema ta sredstva, pa je dogovoreno da se od sredstava po Zakonu o šumama, koja pripadaju Općini Vareš, realizuje pozajmica, a poslije da se za taj iznos umanje sredstva po Zakonu o šumama. Sredstva još nisu dobivena a sa realizacijom Projekta će se krenuti kad Općina Vareš ODRAZ-u uplati svoje učešće. Također je upoznao prisutne da je izdata građevinska dozvola za repetitor BH Telecoma (repetitor na Kopalištu). Realizacija ovog Projekta trebala bi biti završena u maju mjesecu tekuće godine.

Zamjenik predsjedavajućeg OV pozvao je vijećnike koji nisu zadovoljni dobivenim odgovorima na postavljena vijećnička pitanja da se izjasne.

Ismet Abdulahović nezadovoljan je odgovorom koji je dobio na postavljeno vijećničko pitanje u vezi pasa lutilica.

Elvir Rožajac nezadovoljan je odgovorom na postavljeno vijećničko pitanje u vezi odlaganja smeća na jezeru Smreka.

Jelena Zlobec nezadovoljna je odgovorom na postavljeno vijećničko pitanje u vezi plaćanja naknada za građevinsko zemljište i komunalnu naknadu.

(V i j e ć n i č k a p i t a n j a)

Ismet Abdulahović

1. Pitanje za Općinskog načelnika - Koje su aktivnosti poduzete, jer je došlo do povrede jednog mladića od strane psa lutilice, (mladić je pomoć zatražio u Domu zdravlja Vareš). Napominje da su još dvije osobe povrijeđene od istog psa. Ponovo urgira da se nešto riješi u vezi ovog problema sa psima lutilicama?
2. Traži od Općinskog načelnika da se izvrši nasipanje starog dijela puta kroz Dabravine?

Elvir Rožajac

3. Zašto se ne obezbjedi osoba koja bi u noćnim satima obilazila jezero Smreka, kako bi se ustanovilo tko odlaže smeće?
4. Tko odgovara za odlaganje velikih gromada betona prilikom vađenja željeza kod Bunkera, koji se odlažu preko puta zgrade „Autotransa“?
5. Zašto nije obezbjeđen jedan kontejner za mjesnu džamiju u MZ Ravne? (Pitanje za Općinskog načelnika).

Jelena Zlobec

6. U vezi obraćanja Općinskog načelnika o Projektu za rekonstrukciju ulica u Varešu i Vareš Majdanu, traži od Općinskog načelnika da obrazloži što znači ta rekonstrukcija ulica?

Jasmin Salketić

7. Da li se u nekoj bližoj budućnosti planira ulaganje sredstava i nastavak rekonstrukcije Regionalnog puta od Vareša prema Podlugovima? (Pitanje postavljeno Općinskom načelniku i predsjedniku Komisije za obnovu i kapitalna ulaganja).

Tajiba Brkić

8. Kada će doći do realizacije izgradnje Šehidskog obilježja u Varešu? (Traži da se ovo pitanje proslijedi svima koji su nadležni za to).

Mato Pavić

9. Traži od Općinskog načelnika da zbog građana, da usmenu informaciju u vezi potpornog zida ispod groblja u Stogiću?

Kenan Kamenjaš

10. Tko je odgovoran i kome se obratiti u slučaju povreda građana od strane pasa lualica?

Džemo Kevrić

11. Traži da se krene sa realizacijom saniranja dijela puta Striježevo-Kokošići? Put je već jednom saniran, smatra da nije adekvatno urađena sanacija puta, jer poslije zimskog perioda ponovo je put u lošem stanju.
12. Koliko je upoznata izvršna vlast, odnosno zakonodavna vlast po pitanju preduzeća koja se gase na području općine Vareš, pod kojim je uslovima privatizovano i što je ispoštovano po tim Ugovorima?

Nikola Šimić

13. Traži od Općinskog načelnika da se riješi problem velikog odrona na cesti u MZ Pogari?
14. Što je sa lokalnim cestama, kada će se krenuti sa saniranjem i sanacijom lokalnih cesta.?

Općinski načelnik Hamdo Fatić dao je usmeni odgovor na neka postavljena vijećnička pitanja na sjednici:

- U vezi saniranja lokalnih puteva, odgovorio je da je nalog za saniranje puteva dat JKP d.o.o. Vareš, ali stanje je teško, problem su finansijska sredstva. Sanacija će prvo krenuti sa prioritnim pravcima.
- U vezi odrona na cesti u MZ Pogari, odgovorio je da je upoznat sa problemom, da je stanje snimljeno i je to zahvat težak, ali da se hitno treba sanirati put.
- U vezi problema sa psima lualicama odgovorio je da je Općinski načelnik odgovoran za sve i da je novi Zakon stvorio mnoge probleme. Podsjetio je da je dao izjavu da će se psi lualice voziti u prihvatilište u Rakovici, kad bude završeno.
- U vezi zida ispod groblja Stogić, dao je odgovor da su sada prioritni projekti Tunel i spomenuti zid. Nada se da će se do kraja maja mjeseca tekuće godine to završiti.
- U vezi pasa lualica u MZ Ravne dao je odgovor da će problem biti riješen.
- U vezi Projekta rekonstrukcije ulica, dao je odgovor o kojim se ulicama radi kada je rekonstrukcija u pitanju. (dvije ulice desno od Pravoslavne crkve, ul. Matijevići, ul. Novakovići i dvije ulice u Vareš Majdanu – ulica do Igrališta i Čamilov Potok).

Zamjenik predsjedavajućeg OV stavio je na raspravu zapisnik sa 27. sjednice OV .

Nije bilo primjedbi i zamjenik predsjedavajućeg OV stavio je na izjašnjanje zapisnik sa 27. sjednice OV i nakon izjašnjanja vijećnika konstatovao da je **zapisnik sa 27. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 28. sjednicu OV.

Nije bilo primjedbi na prijedlog dnevnog reda za 28. sjednicu OV.

Zamjenik predsjedavajućeg OV upoznao je prisutne o dopuni tačke 2. dnevnog reda 28. sjednice OV, od strane Općinskog načelnika kao predlagača.

Zamjenik predsjedavajućeg OV stavio je na izjašnjavanje prijedlog dnevnog reda iz poziva za 28. sjednicu OV sa dopunom i nakon izjašnjavanja vijećnika konstatuje da je **jednoglasno usvojen s l i j e d e ć i**

D n e v n i r e d

1. **Prijedlog izmjene Programa rada OV za 2011. godinu.**
2. **Prijedlog:**
 - a) **Rješenja o prestanku obavljanja funkcije Zajedničkog općinskog pravobranioca Općine Vareš i Olovo,**
 - b) **Rješenja o razrješenju člana Skupštine Javnog komunalnog preduzeća d.o.o. Vareš,**
 - c) **Rješenja o izboru i imenovanju člana Skupštine Javnog komunalnog poduzeća d.o.o. Vareš,**
 - d) **Rješenja o izmjeni Rješenja o izboru članova Komisije za obnovu i kapitalna ulaganja,**
 - e) **Rješenja o izmjeni Rješenja o izboru članova Komisije za zaštitu ljudskih prava i sloboda, predstavke, prijedloge i jednakopravnost spolova,**
 - f) **Odluke o imenovanju Komisije za planiranje razvoja zajednice (Community Development Planning Committee – CDPC), te o pretpostavkama, načelima i načinu izrade liste prioriteta,**
 - g) **Rješenja o izboru i imenovanju člana Tima za pripremu projekata CEB.**
3. **Prijedlog Strategije razvoja lokalnih cesta i ulica u gradu i naseljima.**
4. **Informacija o naplaćenim prihodima po Zakonu o šumama.**
5. **Informacija o realizaciji Ugovora o koncesijama.**
6. **Izveštaj o radu komunalno-građevinskog inspektora za 2010. godinu.**
7. **Informacija o zimskom održavanju lokalnih i regionalnih puteva i gradskih ulica.**
8. **Informacija o dostignutom nivou ruralnog razvoja u MZ-ama.**
9. **Dopuna Izveštaja o radu Savjeta Mjesnih zajednica na području općine Vareš za 2010. godinu.**
10. **Informacija o organizaciji poljoprivredne proizvodnje u oblastima stočarstva, ratarstva i voćarstva, planu razvoja i mogućnostima zapošljavanja u ovim oblastima.**
11. **Razmatranje Inicijativa:**
 - a) **Za donošenje Odluke o izmjeni Odluke o utvrđivanju platnih razreda i koeficijenata za obračun plaća u JOO uprave Općine Vareš i Stučnoj službi OV i ON,**
 - b) **Izmjene bužeta/proračuna Općine Vareš za 2011. godinu,**
 - c) **Zahtjev za implementaciju Zakona o lokalnoj samoupravi,**
 - d) **Za izmjene Zakona o zdravstvenom osiguranju FBiH i izmjenju Uputstva o načinu obračunavanja uplate doprinosa,**

- e) **Za dopunu Zakona o utvrđivanju naseljenih mjesta – dopuna Zakona za naseljenim mjestom “Ponikve”, MZ Javornik, općina Vareš,**
- f) **Za donošenje Odluke o organizaciji i radu dimnjačarske službe,**
- g) **Za donošenje Odluke o izgradnji, korištenju, održavanju, zaštiti i rekonstrukciji nekategorisanih – nerazvrstanih puteva – cesta,**
- h) **Za dopunu Odluke o standardima komunalnih usluga.**

12. Tekuća pitanja

Ad. 1.

(Prijedlog izmjene Programa rada OV za 2011. godinu.)

Sekretar OV Leon Pavlović dao je obrazloženje za ovu tačku dnevnog reda.

Nije bilo rasprave i zamjenik predsjedavajućeg stavio je na izjašnjanje Prijedlog izmjene Programa rada OV za 2011. godinu, te nakon izjašnjanja konstatuje da je **jednoglasno usvojena**

***Izmjena Programa rada
OV za 2011. godinu.***

Ad. 2.

a) (Prijedlog Rješenja o prestanku obavljanja funkcije Zajedničkog općinskog pravobranioca Općine Vareš i Olovo.)

Komisija za izbor i imenovanja je jednoglasno prihvatila ostavku Općinske pravobraniteljice Sanje Pavlić, te predlaže Općinskom vijeću da donese Rješenje o prestanku obavljanju funkcije Zajedničkog općinskog pravobranioca Općine Vareš i Olovo u predloženom tekstu.

Otvorena je rasprava u kojoj su učestvovali: Jasmin Salketić kao predsjednik Komisije za izbor i imenovanja koji je upoznao prisutne da je Komisija na 7. sjednici razmatrala prijedloge Rješenja, te je upoznao prisutne o stavovima Komisije, Općinski načelnik dao je komentare na ostavku pravobranioca Sanje Pavlić i na prijedlog Odluke o imenovanju Komisije za planiranje razvoja zajednice – CDPC. Izvijestio je Vijeće da će na narednoj sjednici OV biti predložen zamjenik Općinskog pravobranioca i dao je obrazloženje za to, te vijećnik Elvir Rožajac.

Zaključena je rasprava i zamjenik predsjedavajućeg OV stavio je na izjašnjanje Prijedlog Rješenja o prestanku obavljanja funkcije Zajedničkog općinskog pravobranioca Općine Vareš i Olovo.

Nakon izjašnjanja vijećnika zamjenik predsjedavajućeg OV je konstatovao da je **jednoglasno usvojeno**

***Rješenje o prestanku obavljanja funkcije
Zajedničkog općinskog pravobranioca Općine Vareš i Olovo.***

**b) (Prijedlog Rješenja o razrješenju člana
Skupštine Javnog komunalnog preduzeća d.o.o. Vareš.)**

Komisija za izbor i imenovanja je jednoglasnog mišljenja da se ostavka Boška Andrića prihvati i predlaže Općinskom vijeću da donese Rješenje o razrješenju člana Skupštine Javnog komunalnog preduzeća d.o.o. Vareš.

Nije bilo rasprave i zamjenik predsjedavajućeg stavio je na izjašnjavanje Prijedlog Rješenja o razrješenju člana Skupštine Javnog komunalnog preduzeća d.o.o. Vareš.

Nakon izjašnjavanja vijećnika zamjenik predsjedavajućeg je konstatovao da je sa **15 glasova „ZA“ i 3 „SUZDRŽANA“ glasa usvojeno**

***Rješenje o razrješenju člana Skupštine
Javnog komunalnog preduzeća d.o.o. Vareš.***

***c) Prijedlog Rješenja o izboru i imenovanju člana
Skupštine Javnog komunalnog preduzeća d.o.o. Vareš***

Komisija za izbor i imenovanja je jednoglasnog mišljenja i predlaže Općinskom vijeću da se prijedlog Općinskog načelnika za izbor Miše Franjkića za člana Skupštine prihvati i donese Rješenje o izboru i imenovanju člana Skupštine Javnog komunalnog preduzeća d.o.o. Vareš.

Nije bilo rasprave i zamjenik predsjedavajućeg stavio je na izjašnjavanje Prijedlog Rješenja o izboru i imenovanju člana Skupštine Javnog komunalnog preduzeća d.o.o. Vareš.

Nakon izjašnjavanja vijećnika zamjenik predsjedavajućeg je konstatovao da je sa **15 glasova „ZA“ i 3 „SUZDRŽANA“ glasa usvojeno**

***Rješenje o izboru i imenovanju člana Skupštine
Javnog komunalnog preduzeća d.o.o. Vareš.***

***d) (Prijedlog Rješenja o izmjeni Rješenja o izboru
članova Komisije za obnovu i kapitalna ulaganja)***

Komisija za izbor i imenovanja jednoglasno predlaže Općinskom vijeću da donese Rješenje o izmjeni Rješenja o izboru članova Komisije za obnovu i kapitalna ulaganja kao u predloženom tekstu odnosno da se umjesto dosadašnjeg člana Maje Radoš-Bučma imenuje Marijana Jelić.

Nije bilo rasprave i zamjenik predsjedavajućeg stavio je na izjašnjavanje Prijedlog Rješenja o izmjeni Rješenja o izboru članova Komisije za obnovu i kapitalna ulaganja.

Nakon izjašnjavanja vijećnika zamjenik predsjedavajućeg je konstatovao da je **jednoglasno usvojeno**

***Rješenje o izmjeni Rješenja o izboru
članova Komisije za obnovu i kapitalna ulaganja.***

***e) (Prijedlog Rješenja o izmjeni Rješenja o izboru
članova Komisije za zaštitu ljudskih prava i sloboda,
predstavke, prijedloge i jednakopravnost spolova***

Komisija za izbor i imenovanja jednoglasno predlaže Općinskom vijeću da donese Rješenje o izmjeni Rješenja o izboru članova Komisije za zaštitu ljudskih prava i sloboda, predstavke, prijedloge i jednakopravnost spolova kao u predloženom tekstu odnosno da se umjesto dosadašnjeg člana – predsjednice Selme Hafizović imenuje Džafer Zubača.

Nije bilo rasprave i zamjenik predsjedavajućeg stavio je na izjašnjavanje Prijedlog Rješenja o izmjeni Rješenja o izboru članova Komisije za zaštitu ljudskih prava i sloboda, predstavke, prijedloge i jednakopravnost spolova.

Nakon izjašnjavanja vijećnika zamjenik predsjedavajućeg je konstatovao da je **jednoglasno usvojeno**

***Rješenje o izmjeni Rješenja o izboru članova
Komisije za zaštitu ljudskih prava i sloboda,
predstavke, prijedloge i jednakopravnost spolova***

**f) (Prijedlog Odluke o imenovanju Komisije za planiranje
zajednice (Community Development Planning Committee-CDPC),
te o pretpostavkama, načelima i načinu izrade liste prioriteta)**

Komisija za izbor i imenovanja nema primjedbi na prijedlog Odluke i potrebi za njenim donošenjem, s tim da o sastavu Komisije, Komisija nije raspravljala te je jednoglasno zaključila i predlaže da se Općinsko vijeće izjasni o konačnom stavu u vezi prijedloga Odluke o kojoj Općinski načelnik treba dati pojašnjenje na samoj sjednici.

Nije bilo rasprave i zamjenik predsjedavajućeg stavio je na izjašnjavanje Prijedlog Odluke o imenovanju Komisije za planiranje zajednice (Community Development Planning Committee-CDPC) te o pretpostavkama, načelima i načinu izrade liste prioriteta.

Nakon izjašnjavanja vijećnika zamjenik predsjedavajućeg je konstatovao da je sa **17 glasova „ZA“ i 1 „SUZDRŽANIM“ glasom usvojena**

***Odluka o imenovanju Komisije za planiranje
zajednice (Community Development Planning Committee-CDPC),
te o pretpostavkama, načelima i načinu izrade liste prioriteta)***

**g) (Prijedlog Rješenja o izboru i imenovanju
člana Tima za pripremu projekata CEB)**

Komisija za izbor i imenovanja nema primjedbi i jednoglasno predlaže Općinskom vijeću da donese Rješenje o izboru i imenovanju Adaleta Pezo za člana Tima za pripremu projekata CEB.

Nije bilo rasprave i zamjenik predsjedavajućeg stavio je na izjašnjavanje Prijedlog Rješenja o izboru i imenovanju člana Tima za pripremu projekata CEB.

Nakon izjašnjavanja vijećnika zamjenik predsjedavajućeg je konstatovao da je **jednoglasno usvojeno**

***Rješenje o izboru i imenovanju
člana Tima za pripremu projekata CEB***

Ad. 3.

*(Prijedlog Strategije razvoja
lokalnih cesta i ulica u gradu i naseljima.)*

Ermin Musa ispred predlagača dao je kratko obrazloženje za ovu tačku dnevnog reda.

Otvorena je rasprava u kojoj su učestvovali vijećnici: Dženana Bešić, Elvir Rožajac, Džemo Kevrić, Ivan Lučić i Milan Knežević.

Ermin Musa ispred predlagača prihvatio je iznesene primjedbe i sugestije vijećnika u raspravi.

Zaključena je rasprava i zamjenik predsjedavajućeg stavio je na izjašnjanje Prijedlog Strategije razvoja lokalnih cesta i ulica u gradu i naseljima sa prihvaćenim primjedbama i sugestijama.

Nakon izjašnjanja vijećnika zamjenik predsjedavajućeg je konstatovao da je **jednoglasno usvojena**

***Strategija razvoja lokalnih
cesta i ulica u gradu i naseljima***

Ad. 4.

*(Informacija o naplaćenim
prihodima po Zakonu o šumama.)*

Predlagač nije imao dodatno obrazloženje za ovu tačku dnevnog reda.

Nije bilo rasprave i zamjenik predsjedavajućeg stavio je na izjašnjanje Informaciju o naplaćenim prihodima po Zakonu o šumama.

Nakon izjašnjanja vijećnika zamjenik predsjedavajućeg je konstatovao da je **jednoglasno usvojena**

***Informacija o naplaćenim
prihodima po Zakonu o šumama***

Ad. 5.

*(Informacija o realizaciji
Ugovora o koncesijama.)*

Predlagač nije imao dodatno obrazloženje za ovu tačku dnevnog reda.

Nije bilo rasprave i zamjenik predsjedavajućeg stavio je na izjašnjanje Informaciju o realizaciji Ugovora o koncesija.

Nakon izjašnjanja vijećnika zamjenik predsjedavajućeg konstatuje da je sa **18 glasova „ZA“ i 1 „SUZDRŽANIM“ glasom usvojena**

***Informacija o realizaciji
Ugovora o koncesijama.***

Ad. 6.

*(Izveštaj o radu komunalno-
građevinskog inspektora za 2010. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je učestvovali vijećnici: Elvir Rožajac, Ivan Lučić i Džemo Kevrić.

Zaključena je rasprava i zamjenik predsjedavajućeg stavio je na izjašnjanje Izveštaj o radu komunalno-građevinskog inspektora za 2010. godinu.

Nakon izjašnjanja vijećnika zamjenik predsjedavajućeg je konstatovao da je **jednoglasno usvojen**

***Izveštaj o radu komunalno-
građevinskog inspektora za 2010. godinu.***

Ad. 7.

*(Informacija o zimskom održavanju
lokalnih i regionalnih puteva i gradskih ulica.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i sugestije iznijeli vijećnici: Elvir Rožajac, Džemo Kevrić, Jasmin Salketić, Dženana Bešić, Ismet Abdulahović, Milan Knežević, Općinski načelnik Hamdo Fatić, direktor JKP d.o.o. Vareš Zafer Kamenjaš i komunalno-građevinski inspektor Snježana Kokor koja je odgovorila na neka pitanja vijećnika postavljena u toku rasprave.

Zaključena je rasprava i zamjenik predsjedavajućeg stavio je na izjašnjanje, uz primjedbe iznesene u raspravi, Informaciju o zimskom održavanju lokalnih i regionalnih puteva i gradskih ulica.

Nakon izjašnjanja vijećnika zamjenik predsjedavajućeg je konstatovao da je sa **18 glasova „ZA“ i 1 „SUZDRŽANIM“ glasom usvojena**

***Informacija o zimskom održavanju
lokalnih i regionalnih puteva i gradskih ulica.***

Ad. 8.

*(Informacija o dostignutom nivou
ruralnog razvoja u MZ-ama.)*

Predlagač nije imao dodatno obrazloženje za ovu tačku dnevnog reda,

Otvorena je rasprava u kojoj su svoje primjedbe i sugestije iznijeli vijećnici: Dženana Bešić, Elvir Rožajac, Majda Muftić, predsjednik MZ Vareš Enver Fetišević i pomoćnik načelnika Rusmir Berberović.

Zaključena je rasprava i zamjenik predsjedavajućeg stavio je na izjašnjanje Informaciju o dostignutom nivou ruralnog razvoja u MZ-ama.

Nakon izjašnjavanja vijećnika zamjenik predsjedavajućeg je konstatovao da je sa **18 glasova „ZA“ i 1 „SUZDRŽANIM“ glasom usvojena**

Informacija o dostignutom nivou ruralnog razvoja u MZ-ama.

Ad. 9.

(Dopuna Izvještaja o radu Savjeta Mjesnih zajednica na području općine Vareš za 2010. godinu.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i zamjenik predsjedavajućeg stavio je na izjašnjavanje Izvještaj i dopunu Izvještaja o radu Savjeta Mjesnih zajednica na području općine Vareš za 2010.

Nakon izjašnjavanja vijećnika zamjenik predsjedavajućeg je konstatovao da je **jednoglasno usvojen**

Izvještaj i

Dopuna Izvještaja o radu Savjeta Mjesnih zajednica na području općine Vareš za 2010. godinu.

Ad.10.

(Informacija o organizaciji poljoprivredne proizvodnje u oblastima stočarstva, ratarstva i voćarstva, planu razvoja i mogućnostima zapošljavanja u ovim oblastima.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su iznijeli svoje primjedbe, prijedloge i sugestije vijećnici: Elvir Rožajac, Ismet Abdulahović, Ivan Lučić i Milan Knežević.

Zaključena je rasprava i zamjenik predsjedavajućeg stavio je na izjašnjavanje Informaciju o organizaciji poljoprivredne proizvodnje u oblastima stočarstva, ratarstva i voćarstva, planu razvoja i mogućnostima zapošljavanja u ovim oblastima sa primjedbama vijećnika.

Nakon izjašnjavanja vijećnika zamjenik predsjedavajućeg je konstatovao da je sa **18 glasova „ZA“ i 1 „SUZDRŽANIM“ glasom usvojena**

Informacija o organizaciji poljoprivredne proizvodnje u oblastima stočarstva, ratarstva, i voćarstva, planu razvoja i mogućnostima zapošljavanja o ovim oblastima.

Ad.11.

(Razmatranje Inicijativa)

a) (Za donošenje Odluke o izmjeni Odluke o utvrđivanju platnih razreda i koeficijenata za obračun plaća u JOO uprave Općine Vareš i Stručnoj službi OV i ON)

Sekretar OV Leon Pavlović kao predlagač dao je obrazloženje za ovu podtačku dnevnog reda.

Otvorena je rasprava u kojoj su učestvovali vijećnici: Ismet Abdulahović, Elvir Rožajac, Ivan Lučić, Dženana Bešić, te Općinski načelnik Hamdo Fatić koji se izjasnio da prihvata Inicijativu i u vezi toga dao je obrazloženje.

Zaključena je rasprava i zamjenik predsjedavajućeg predložio je

Zaključak:

- Da se do kraja maja mjeseca tekuće godine, Prijedlog Pravilnika o unutrašnjoj organizaciji JOO uprave Općine Vareš i Stručnoj službi OV i ON, razmatra na sjednici Općinskog vijeća.

Zamjenik predsjedavajućeg stavio je na izjašnjavaње Inicijativu za donošenje Odluke o izmjeni Odluke o utvrđivanju platnih razreda i koeficijenata za obračun plaća u JOO uprave Općine Vareš i Stručnoj službi OV i ON uz predloženi Zaključak.

Nakon izjašnjavaња vijećnika zamjenik predsjedavajućeg je konstatovao da sa **18 glasova „ZA“ i 1 „SUZDRŽANIM“ glasom usvojen Zaključak i**

*Inicijativa za donošenje Odluke o izmjeni Odluke
o utvrđivanju platnih razreda i koeficijenata za obračun
plaća u JOO Općine Vareš i Stručnoj službi OV i ON.*

*b) (Izmjene budžeta/proračuna
Općine Vareš za 2011. godinu)*

Zamjenik predsjedavajućeg je konstatovao da je prihvaćanjem Inicijative za donošenje Odluke o izmjeni Odluke o utvrđivanju platnih razreda i koeficijenata za obračun plaća u JOO uprave Općine Vareš i Stručnoj službi OV i ON, Općinski načelnik prihvatio i Inicijativu za izmjene budžeta/proračuna Općine Vareš za 2011. godinu.

Nije bilo rasprave i zamjenik predsjedavajućeg predložio je

Zaključak:

- Da se u drugoj polovini tekuće godine pripremi Izmjena (Rebalans) budžeta/proračuna Općine Vareš za 2011. godinu.

Nakon izjašnjavaња vijećnika zamjenik predsjedavajućeg je konstatovao da je sa **17 glasova „ZA“ i 1 „SUZDRŽANIM“ glasom usvojen Zaključak i**

*Inicijativa za izmjene budžeta/proračuna
Općine Vareš za 2011. godinu.*

*c) (Zahtjev za implementaciju
Zakona o lokalnoj samoupravi)*

Vijećnik Ivan Lučić kao predlagač dao je obrazloženje za ovu podtačku dnevnog reda.

Nije bilo rasprave i zamjenik predsjedavajućeg predložio je

Zaključak:

- Da Služba za opću upravu u skladu sa Zakonom, poduzme sve odgovarajuće radnje u vezi Zahtjeva za implementaciju Zakona o lokalnoj samoupravi.

Nakon izjašnjavaња vijećnika zamjenik predsjedavajućeg je konstatovao da je **jednoglasno usvojen Zaključak i**

***Inicijativa-Zahtjev za implementaciju
Zakona o lokalnoj samoupravi***

d) (Za izmjene Zakona o zdravstvenom osiguranju FBiH i izmjenu Uputstva o načinu obračunavanja uplate doprinosa)

Obrazloženje za ovu podtačku, predlagač vijećnik Ivan Lučić, dao je u obrazloženju kao podtačkom c).

Nije bilo rasprave i zamjenik predsjedavajućeg stavio je na izjašnjavanje Inicijativu za izmjene Zakona o zdravstvenom osiguranju FBiH i izmjenu Uputstva o načinu obračunavanja uplate doprinosa uz

Zaključak:

- Da nadležna Služba obradi Inicijativu za izmjene Zakona o zdravstvenom osiguranju FBiH i izmjenu Uputstva o načinu obračunavanja uplate doprinosa, te da je uputi nadležnim Institucijama FBiH na dalji postupak.

Nakon izjašnjavanja vijećnika zamjenik predsjedavajućeg je konstatovao da je **jednoglasno usvojen Zaključak i**

Inicijativa za izmjene Zakona o zdravstvenom osiguranju FBiH i izmjenu Uputstva o načinu obračunavanja uplate doprinosa

e) (Za dopunu Zakona o utvrđivanju naseljenih mjesta-dopuna Zakona za naseljenim mjestom „Ponikve“, MZ Javornik, općina Vareš)

Vijećnik Ivan Lučić kao predlagač dao je obrazloženje za ovu podtačku i predložio

Zaključak:

-Da Služba za opću upravu pripremi akt i da ga uputi Parlamentarnoj skupštini za izmjenu Zakona o naseljenim mjestima koji je pretrpio nekoliko izmjena a preuzet je od SRBiH.

Nije bilo rasprave i zamjenik predsjedavajućeg stavio je na izjašnjavanje Inicijativu za dopunu Zakona o utvrđivanju naseljenih mjesta-dopuna Zakona za naseljenim mjestom „Ponikve“, MZ Javornik, općina Vareš uz predloženi Zaključak.

Nakon izjašnjavanja vijećnika zamjenik predsjedavajućeg je konstatovao da je **jednoglasno usvojen Zaključak i**

Inicijativa za dopunu Zakona o utvrđivanju naseljenih mjesta-dopuna Zakona za naseljenim mjestom „Ponikve“, MZ Javornik, općina Vareš

f) (Za donošenje Odluke o organizaciji i radu dimnjačarske službe)

Predlagač nije imao dodatno obrazloženje za ovu podtačku.

Nije bilo rasprave i zamjenik predsjedavajućeg stavio je na izjašnjanje Inicijativu za donošenje Odluke o organizaciji i radu dimnjačarske službe uz

Zaključak:

- Da se Inicijativa za donošenje Odluke o organizaciji i radu dimnjačarske službe proslijedi nadležnoj službi na dalji postupak.

Nakon izjašnjanja vijećnika zamjenik predsjedavajućeg je konstatovao da je **jednoglasno usvojen Zaključak i**

Inicijativa za donošenje Odluke o organizaciji i radu dimnjačarske službe

g) (Za donošenje Odluke o izgradnji, korištenju, održavanju, zaštiti i rekonstrukciji nekategorisanih – nerazvrstanih puteva – cesta)

Vijećnik Ivan Lučić kao predlagač dao je obrazloženje za ovu podtačku.

Otvorena je rasprava u kojoj su učestvovali vijećnici: Ivan Lučić, Dženana Bešić, te Ermin Musa pom. načelnika i predsjedavajući OV Josip Malbašić.

Zamjenik predsjedavajućeg stavio je na izjašnjanje Inicijativu za donošenje Odluke o izgradnji, korištenju, održavanju, zaštiti i rekonstrukciji nekategorisanih – nerazvrstanih puteva – cesta uz

Zaključak:

- Da nadležna služba u roku od 60 dana, pripremi Prijedlog Odluke – propis koji će se razmatrati na sjednici OV.

Nakon izjašnjanja vijećnika zamjenik predsjedavajućeg je konstatovao da je sa **12 glasova „ZA“ i 5 „SUZDRŽANIH“ glasova usvojen Zaključak i**

Inicijativa za donošenje Odluke o izgradnji, korištenju, Održavanju, zaštiti i rekonstrukciji nekategorisanih – nerazvrstanih puteva – cesta.

h) (Za dopunu Odluke o standardima komunalnih usluga)

Predlagač nije imao dodatno obrazloženje, nije bilo rasprave i zamjenik predsjedavajućeg stavio je na izjašnjanje Inicijativu za dopunu Odluke o standardima komunalnih usluga uz

Zaključak:

- Da nadležna služba u roku od 60 dana pripremi prijedlog dopune Odluke o standardima komunalnih usluga.

Nakon izjašnjanja vijećnika zamjenik predsjedavajućeg je konstatovao da je sa **13 glasova „ZA“ i 5 „SUZDRŽANIH“ glasova usvojen Zaključak i**

Inicijativa za dopunu Odluke o standardima komunalnih usluga.

Ad.12.
(Tekuća pitanja.)

1. Sekretar OV Leon Pavlović izvijestio je Vijeće da je Općinskom vijeću upućen dopis-upit, od strane MZ Neprivaj, općina Vareš u vezi dokumenta Strategija razvoja lokalnih cesta općine Vareš, odnosno uvrštavanja lokalnog puta Žahlja-Neprivaj u dokument Strategija razvoja i odgovora zašto se isti ne nalazi U spomenutom dokumentu. Sekretar OV upoznao je Vijeće sa sadržajem dopisa.

Nije bilo rasprave i zamjenik predsjedavajućeg OV predložio je slijedeći:

Zaključak:

- **Obavezuje se nadležna služba da u roku od mjesec dana, MZ Neprivaj uputi odgovor u vezi njihovog dopisa-upita.**

Nakon izjašnjavanja vijećnika zamjenik predsjedavajućeg OV je konstatovao da je predloženi **Zaključak jednoglasno usvojen.**

2. Sekretar OV Leon Pavlović izvijestio je Vijeće da je Općinskom vijeću upućen dopis od strane stanovnika dijela ulice Tirići i Pruga u vezi formiranja i uređenja prilaznog puta. (formiranje potpornog zida i uređenje prolaznosti puta). Sa sadržajem dopisa upoznato je Vijeće.

Općinski načelnik Hamdo Fatić obratio se Vijeću i izvijestio da je dio projekta vrlo skup i komplikovan. Za dio puta koji se odnosi na put sa Pruge do zida, predložio je građanima, da Općina Vareš učešće ima u materijalu, a da građani sami po uputama i nadzoru Stručne službe (ekipe iz Općine) urade stepenice. Također je izvijestio da će se i dalje raditi na rješavanju problema u vezi zida.

U raspravi je učestvovao zamjenik predsjedavajućeg Milan Knežević koji je predložio

Zaključak:

- **Obavezuje se Općinski načelnik i nadležna služba da potpisnicima Zahtjeva iz ulice Tirići i Pruga, upute pismeni odgovor u vezi njihovog zahtjeva.**

Nakon izjašnjavanja vijećnika zamjenik predsjedavajućeg je konstatovao da je predloženi **Zaključak jednoglasno usvojen.**

3. Sekretar OV izvijestio je Vijeće da je Općinskom načelniku i Općinskom vijeću upućen dopis od strane MZ Vareš koji se odnosi na uređenje igraone – zabavišta za djecu u parku blokova „D“ i uspostava sijalica na sijaličnim mjestima u gradu. Sa sadržajem dopisa upoznato je Vijeće.

Općinski načelnik Hamdo Fatić izvijestio je Vijeće da su ponude za štedne sijalice prikupljene i da se nada da će ubrzo biti riješen problem, odnosno da će štedne sijalice biti postavljene na potezu od Prnjavora do naselja Ljepovići. U vezi parka napomenuo je da se obavezuje da će riješiti problem i da će se park urediti i prilagoditi potrebama djece koja borave u parku sa rokom do kraja maja mjeseca tekuće godine.

U raspravi su učestvovali Rusmir Berberović pomoćnik načelnika i zamjenik predsjedavajućeg Milan Knežević koji su iznijeli svoje mišljenje u vezi problema sa spomenutim parkom.

Zamjenik predsjedavajućeg Milan Knežević predložio je da se Inicijativa MZ Vareš podrži uz

Zaključak:

-Obavezuje se Općinski načelnik da u roku od mjesec dana u skladu sa materijalnim mogućnostima pristupi sanaciji parka-igrališta kod „D“ blokova ulica Put mira.

Nakon izjašnjavanja vijećnika zamjenik predsjedavajućeg je konstatovao da je **jednoglasno usvojena Inicijativa i predloženi Zaključak.**

4. Vijećnica Dženana Bešić iznijela je komentare na današnje aktuelnosti koji se odnose na tačku dnevnog reda „Vijećnička pitanja“ u kojoj se djelomično vodila rasprava. Napominje da rasprava u dijelu „Vijećnička pitanja“, po Poslovniku o radu OV, nije predviđena. Sugerše vijećnicima da pitanja koja smatraju izuzetno važnim prezentiraju u tački „Tekuća pitanja“ i o tome je dala obrazloženje. Iznijela je svoje lično mišljenje u vezi pojedinih Zahtjeva o kojima se raspravlja pod tačkom „Tekuća pitanja“ a koji se odnose na neke Zahtjeve pojedinih Mjesnih zajednica i građana općine Vareš. Smatra da takvi Zahtjevi trebaju biti upućeni Općinskom načelniku i da Općinski načelnik sa nadležnim Službama treba da se očituje o zahtjevima. Vijećnica Dženana Bešić dala je i kratko obrazloženje za to.
5. Vijećnik Ivan Lučić podržao je mišljenje vijećnice Dženane Bešić u vezi zahtjeva o kojima se treba izjašnjavati Općinski načelnik. Podsjetio je vijećnike na obrazac za postavljanje vijećničkih pitanja i Poslovničku mogućnost da se na neka vijećnička pitanja mogu dati i usmeni odgovori na samoj sjednici OV i tako bi se upoznala javnost o tome.

Općinski načelnik Hamdo Fatić obavijestio je vijećnike, da vijećnik Željko Matić sutra izlazi iz bolnice i da neko od vijećnika ode u posjetu.

Zamjenik predsjedavajućeg u ime Općinskog vijeća i u svoje lično ime čestitao je građanima općine Vareš **1. maj. Praznik rada.**

Sjednica je završena u 13,00 sati i 15 minuta.

SEKRETAR

Leon Pavlović

**ZAMJENIK
PREDSJEDA VAJUĆEG**

Milan Knežević

ZAPISNIČAR

Azra Ibrahimović